

高平縣志卷之五

宦蹟志

搏風扇翮不覺高升擊水揚鬣遂乘遠大是故賢者履籍通顯蹟之所歷行立而譽彰焉然則峴南之碑巴東之栢迄今猶弗諼也彼居無赫赫之名而去後令人思者當亦千秋接踵矣志宦蹟

名宦

唐

高平縣志

亨集

卷五

一

李陽冰

乾元間為令有惠政憂民之憂志切休養博學善書事至談笑處之裕如也正祀考曰持正秉公懷才抱藝早禱屢應神人協和篆隸甚工文詞表式

郝福

貞元間為令才高事時凶歉移粟分給所霑被征需不急者一切罷止以身任咎流亡盡民德焉正祀考平為政清靜化民

明濟

貞元間為令自屯留令調任當文學有清節敏吏事所至有嘗濬治河氏水正考曰

律己清勤務施簡惠卹疲黎而
又康篤至改劇任而興作勵精

宋

楊咸弼

開竇間為令性嚴能決斷每抑挫豪右申理屈滯
愛民勸稼開置屯田公私便之正祀考曰守廉才
敏慎勤愛民勸稼
得宜罰懲不濫

義甫

慶曆間為令進階中散大夫操履勤慎法令嚴明
邑事無不脩舉調停賑恤民免勞費兩僉民徭多
所裁省有古循吏風正祀
考曰勤敏集事惠愛及民

高平縣志

亨集

卷五

二

金

劉敏行

天眷間為令時劇盜為亂鄰境失守邑城圯內外
震恐乃捐俸顧役督工繕治百姓欣然從之城完
賊至諭以道義衆感泣羅拜而去正祀考曰捐俸
以繕城垣眠黎趨事寬令而感盜賊市野絕驚

察剗吾歌

泰和間以安遠大將軍行高平令有善政為吏民
所稱正祀考曰公仁而斷和易不苛剖劇撥繁織
悉岡滯懲奸化
暴遠近舉安

元

劉好德

至元間為令兼勸農事有繁劇之才舉廢墜招流亡重建學廟正祀考曰理殘邑而飭振從宜招遣黎而撫安復業創事黷官之興作以惇俗而導民蓋得為政之先務者

郭質

泰和間為尹識度深遠操履方潔葺學校繕城垣卹民興教扶善鋤惡究其所施蓋邑之良牧也民為立祠正祀考曰時已廉慎蒞政嚴明興禮教而民俗更新鑿池渠而水患永息

明

李真

高平縣志

亨集

卷五

三

景泰間知縣事廉介有為治蹟豐偉正祀考曰公心勤政興土惠民賦役均而野無曠土穿窬息而案無訟詞建厥舍以廣儲止句呼以除害碑傳德政頌思不忘

牛枋

成化間知縣事下車拊循與民休息自奉甚薄有廉能聲正祀考曰莊嚴不苟簡朴自安慎于懲革之宜周夫惠利之實之循吏綽有其風

張晟

成化間知縣事賦性簡易政尚鎮靜不事表暴邑俗民無貴賤喜動音樂鼓吹下令禁止四境清肅革不經之祀停不急之征民服其化正祀考曰秉公清介制事端嚴禁私樂以正民風毀淫祠以興

禮教

毛忠

弘治間知縣事廢弛之餘民生凋瘵極力撫綏遇旱懇禱輒應崇重文學政教兼舉正祀考曰雅清文教篤念又康建置有方公私不擾祈禱獲應遐邇均霑

楊子器

弘治間知縣事正身率物以文學飾吏事崇教化毀淫祠興利除害案牘常清政暇則引諸生開閣講論多所啓迪一時士習為之丕振據其政蓋不規規于簿書間矣邑之循吏以公為稱首民勒碑構祠正祀考曰識敏才克思深事練催科不擾刑罰惟清興革咸得其宜教養永錫其惠

高平縣志

亨集

卷五

四

楊恭

弘治間知縣事偉儀觀有才識政平民宜未幾卒于官此固古今才士之通憾也正祀考曰博學有量守正不苛政尚寬平人歌豈弟未久而卒邑民痛之

董琦

正德間知縣事通志曰練習民事平役課農賙貧乏定昏儀謹條約民甚愛戴為之謠曰前有楊父後有董母

龔進

正德間知縣事通志曰禁止令行政平訟理兒童走俱以神明頌之

王準

嘉靖間知縣事通志曰蠲不急之務緩無名之
扶植寡弱救民疾苦如其身然嚴禁侵漁豪右率
斂手受約束罔敢肆三年以治行徵
行之日囊無途費君子謂能以節終

論曰名以賓實宦若寄廬然而生為百城之長歿
有五鼎之供崇禋祀所以報明德也彼花陰滿城
曷與夫竹苞出土哉縮銅符者執圭瓚庶其企而

循吏

王庭直

高平縣志

亨集

卷五

五

金天眷間知縣事時劇盜蜂起隣邑失
守公展才集事濬城隍民恃無恐

柳豸

明弘治間知縣事以御史
左遷剛果有為吏民畏服

劉經

正德間知縣事心恕政平邑事振舉興
學造士藻鑑精明以憂去士民思之

管律

嘉靖間知縣事以刑科給事中謫長垣縣丞陞高
平知縣政務通曉文藻煥發雖以覲考去位公

惜焉

俞觀

嘉靖間知縣事政體寬平民無怨言甫期卒于官貧無以殮百姓傷之

楊時泰

嘉靖間知縣事剛柔兼濟吏民胥服有古長者之風選御史

劉鳳池

嘉靖間知縣事明爽出政豈弟宜民能詩文尤喜談兵當道薦其有文武之才陞兵部主事

劉大實

嘉靖間知縣事明而不苟直而不劇廉能勤政吏畏民懷辛丑虜入寇率民城守極力捍備號令嚴

高平縣志

亨集

卷五

六

肅卒保無虞陞吏部主事民立祠事之

楊順

嘉靖間知縣事持已廉平蒞事明敏百度具舉政治民安選南京福建道御史

韓朝江

嘉靖間知縣事政簡刑寬諸所措置以愛民為主民多思之陞禮部主事

衛東吳

嘉靖間知縣事清夷簡重蒞政和平課士惠民聲稱茂蔚聞父憂不再宿而去後選工科給事中

黃作孚

嘉靖間知縣事廉以持已寬以撫民且守止不苛竟以觸權覲去公論至今惜之

張 鹵

嘉靖間知縣事案無留牘邑無冤民敷政三載百廢俱舉至今堂規悉遵其制選禮科給事中民立祠事之

李 楨

隆慶間知縣事視民如子治邑如家勵已冰霜比潔笞人涕泗交流選廣東道御史去任久而遺澤新民主立祠事之

劉 一 相

高平縣志

亨集

卷五

七

萬曆間知縣事政適寬嚴學綜經史故文章吏治為一時推重選南吏科給事中民主立祠事之

楊 性 魯

萬曆間知縣事識見明爽而才猷豁大臨民馭政游亦有餘惜以覲考去位至今人為飲恨

馬 從 龍

萬曆間知縣事誠心質行雅度謙衷居官三載不取一錢不擾一事真能居已清白而毫無點染者選南吏科給事
中民主立祠事之

王 省 身

萬曆間知縣事識練才老故理煩治劇畧無壅且心氣和平氣度春雅陞刑部主事民主立祠事之

珪

洪武間縣丞政事失考第邑之建置多出珪所勅立則當年才具似非碌碌無聞者

孫應奎

嘉靖間以刑科左給事謫高平丞清劇務以振廢剔隱蠹以肅奸恤民造士邑多翼戴民立祠祀

任大僚

萬曆間知縣事由襄垣調繁高平識見精明才能敏捷嚴以馭下一時豪猾吏胥驕橫強宗罔不憚之豁牛氏異寃人咸悅服庚申夏以勤勞縣事病卒于官士民至今惜之建祠祀名宦

田景新

高平縣志

亨集

卷五

八

泰昌間知縣事寬平簡易申革驛遞之累力減租賦之餘任事未久調繁陽曲縣尋擢廣西道御史民立生祠事之

暢應登

崇禎間知縣事老成歷練以廉潔持躬以勤敏任事剔衙胥之蠹邑境肅然不避權執古之良吏也

魯光國

崇禎間知縣事練達精敏平徇有功迨流寇侵境戰守器具無一弗備百姓恃以無恐任未二載邊職民立祠祀

王漢

崇禎間知縣事嚴毅有為下車甫三月悉剔諸弊
務任戢奸除暴以安良善樂易教士士多懷之蒞
任未幾改調河內縣百姓攀轅泣留累日不進未
二年特擢監軍御史尋授河南巡按旋超陞巡撫
征永城叛將劉超歿
于軍別見忠烈史傳

國朝

劉廣國

順治年間任和平易直卓有風裁禁火耗革贖鍰
矚然以清潔自勵百姓至今戴慕之

范繩祖

順治年間任廉以律躬直以應物具風雨馳驟之
才施雲雷經綸之手剛斷明作以大事自任蒞政

高平縣志

亨集

卷五

九

之初先察地方利害之大者力議興除首均徭役
按一里之人丁實十甲之戶口多寡適平無偏重
偏輕之累禁革衙役絕勾攝之迹六年猶如一日
花村明月犬吠無聲誠一時安堵之休也至于完
先師廟大工昭振文育士之典建城隍廟大殿彰福
善禍淫之公繕城築堤創祠修署四境之內百廢
俱興治行第一考績有成各上臺薦獎評語犁
然可考殆不止士民之謳歌尸祝而已也總督
馬獎云才華獨秀品格標奇振紀綱廢墜之秋勤
撫字凋殘之後清如冰蘖時舉號曰神君志絕鷹
鷂衆咸怙如慈母靚百里之花開聽四野之絃頌
化久洽于甘棠澤更深于棫樸誠為齊民樂只
望台衡掄擢巡撫陳薦云英敏之姿博大之器
催科不擾而撫字有方捐俸脩城地方攸賴
院朱薦云治平表見按院高獎云三年報最
宜優擢總督張薦云催科撫字兼長品識才

並著不愧民之父母 巡撫白獎云催科無欠
訟廉明新經給由可膺大任 塩院焦獎云幹濟
周詳才猷揮霍諸務興舉居然有為之吏也順治
十三年給由總督張評云稱職准給由巡撫
白諍云才猷敏練識見精詳錢糧不逋足見催科
有法聽訟無枉自是讞鞫至公稱職 按院高評
云任內公私既無違碍錢糧一並通完准應給由
塩院焦評云器識淵才猷霞舉催科而民樂輸
將通商而引鮮逋欠循聲久着考績宜優 左布
政彭評品同金玉才若風電催科無追呼之擾
而輸將獨先撫字多教養之績而治行恐後闔邑
均頌絃歌四野咸懷樂利晉中循良無以尚之
右布政潘評云清標卓品練達宏才微輸能寓撫
字釐奸狐鼠踪吏畏神君民歌慈母至於脩城
築堤恤驛煮賑咸為善政首觀再查本官薦獎不
止一次紀錄五見題疏台衡之選掄擢可待宜膺

高平縣志

亨集

卷五

十

最考 按察司楊評云端凝品格敏練才猷黠吏
凜于秋霜庭無黜鼠窮民藹若春溫野鮮哀鴻微
解則正項能完以及脩築賑荒合活無筭蓋其清風惠
六事畢張以至脩築賑荒合活無筭蓋其清風惠
政久沁以骨而應變濟艱更堪盤錯勲當上考選
合清華 糧儲道王評云峻節飲冰澄心印月催
科寓撫字狐鼠潛消教養致絃歌萑苻跡滅治平
之績最于三載孔邇之頌遍于四民誠良吏也
驛塩道馮評云丰儀秀品王潔冰清徵收不染百
姓樂輸無欠折獄詳明原被畏若神君整理驛遞
不累疏通塩法有方才非百里宜備擢用 冀南
守道袁評云才華英發識鑒精明釐奸而狐鼠
消庭無弊竇撫民而鴻雁攸歸户有陽春且催
有方輸解足額洵一時之循吏也 冀南巡道
評云冰操朗鑒端品長才以利器之用施煩劇
邑徵輸不逋聽訟無濫境乏狐踪役鮮鼠跡

脩城賑饑具著茂績宜膺最考署澤州事張評
聲孔邇移謀家之心謀國三年足額輸將禮義
躬文教興而菁莪著化廉耻勵俗德威被而萑苻
消萌桑麻四境浴新波清澄止水城郭千門披遠
照明徹秋蟾製錦已成行當進而補袞烹鮮立效
會須用以和羹允當循良宜膺最考總督盧薦
云催科無追呼之擾而完解獨先聽斷有神明之
頌而肺石稱平以及葺學脩城剔弊除苛皆循良
之實績也當以遠天期之巡撫白獎云以實心
行實政非僅百里之才資深績茂業經考大受
可期也塩院李薦云惠心實政潔已愛民

劉璟

公天性愷悌愛民如子刑清政簡冰蘖自持博諮
民隱清驛遞鋪設及鹽政三大弊立良法垂永

高平縣志

亨集

卷五

十一

久民甚便之禁輕生以全民命懲刁訟以厚風俗
崇節儉以省物力勤課試以養人才率本至誠非
飾具文至於歲旱禱神約三日雨應期不爽催科
不事嚴急開誠勸諭民依期輸納終歲不加鞭笞
尤近今所絕無者三年報最績陞任江西寧州知
州士民遮道擁留立生祠祀之

楊呈藻

公愛養窮黎優禮學校蒞任半載以外艱去士民
惜之

論曰前有父後有杜母蓋言循良之吏接武而
興也邑之頌神君戴慈父者不一其人以是上膺

帝眷下恆輿情即令繪東觀之像配浚儀之杜誰

不宜

卷之五終

高平縣志

亨集

卷五

十一